



Ўзбекистон Республикаси Олий ва ўрта  
махсус таълим вазирлигининг 572-сонли  
буйруғига 2-илова

август 2021 йил

## Ўзбекистон Республикаси Олий ва ўрта махсус таълим вазирлиги тизимида коррупцияга қарши курашиш бўйича координатор тўғрисидаги НИЗОМ

1. Ушбу Ўзбекистон Республикаси Олий ва ўрта махсус таълим вазирлиги тизимида коррупцияга қарши курашиш бўйича координатор тўғрисидаги Низом (кейинги ўринларда - Низом) вазирликнинг ҳудудий бошқармаларида, унга бўйсунувчи марказларда ҳамда олий ва ўрта махсус, профессионал таълим муассасаларида (кейинги ўринларда - ҳудудий бошқармалар, бўйсунувчи марказлар ва муассасалар) коррупцияга қарши курашиш бўйича координаторнинг (кейинги ўринларда - координатор) функциялари ва ваколатларини белгилаб беради.

2. Координатор ҳудудий бошқармалар, бўйсунувчи марказлар ва муассасаларда коррупциянинг олдини олиш бўйича чора-тадбирларни амалга оширади, шунингдек, Олий ва ўрта махсус таълим вазирлигининг Комплаенс назорат ва коррупцияга қарши курашиш бўлими (кейинги ўринларда - бўлим) билан ҳамкорлик қилади. Мазкур бўлим ўз навбатида Ўзбекистон Республикаси Олий ва ўрта махсус таълим вазирлиги, унинг ҳудудий бошқармалари, бўйсунувчи марказлари ҳамда олий ва ўрта махсус, профессионал таълим муассасаларида муассасалари (кейинги ўринларда - вазирлик тизими)да коррупцияга қарши курашиш тизими учун жавобгар ҳисобланади.

3. Координаторнинг функциялари бошқа функцияларни бажарувчи ходимлар, бўлинмаларга юклатилиши мумкин. Бунда, координатор функцияси коррупцион хавф-хатар даражаси юқори бўлмаган лавозимларда ишловчи ҳудудий бошқармалар, бўйсунувчи марказлар ва муассасалар ходимлари томонидан амалга оширилиши мақсадга мувофиқ.

4. Олий ва ўрта махсус таълим вазирлигининг марказий аппаратида ҳамда вазирлик ҳузуридаги Олий таълимни ривожлантириш тадқиқотлари ва илғор технологияларни татбиқ этиш марказида координаторлар фаолияти йўлга қўйилмайди.

5. Координатор ўзига юклатилган функциялар доирасида ҳудудий бошқарма, бўйсунувчи марказ, муассасанинг тегишли раҳбарлари ҳамда бўлим бошлигининг буйруқлари ва топшириқларини бажаради.

6. Координатор бўлимга ва ҳудудий бошқарма, бўйсунувчи марказ, муассасанинг тегишли раҳбарларига ҳисобдор. Ҳудудий бошқарма, бўйсунувчи

марказ, муассасада коррупциянинг олдини олиш бўйича белгиланган чора-тадбирларни амалга ошириш билан боғлиқ масалалар бўйича олинган кўрсатмалар ва буйруқлар бир-бирига зид бўлган ҳолларда, бўлимнинг буйруқлари ва кўрсатмалари тегишли раҳбарлар буйруқларидан устун туради.

7. Худудий бошқарма, бўйсунувчи марказ, муассасада коррупцияга қарши кураш координаторнинг асосий вазифалари қуйидагилардан иборат:

коррупцияга қарши курашиш тизимини яратиш ва такомиллаштириш, худудий бошқарма, бўйсунувчи марказ, муассасада коррупциявий хатти-ҳаракатларнинг профилактикасини амалга ошириш;

худудий бошқарма, бўйсунувчи марказ, муассаса ходимларини коррупцияга қарши кураш масалалари бўйича хабардорлигини ошириш ва маслаҳатлар бериш, шунингдек бу масалалар бўйича фуқаролар ва жамоатчилик билан мулоқот қилиш;

худудий бошқарма, бўйсунувчи марказ, муассасада коррупцияга қарши курашиш тизимини самарали фаолият юритишини, шу жумладан ISO 37001:2016 халқаро стандарти талабларига мувофиқлигини назорат ва мониторинг қилиш;

коррупцияга қарши курашиш бўйича ҳуқуқни муҳофаза қилиш идоралари билан ўзаро ҳамкорлик қилиш.

8. Худудий бошқарма, бўйсунувчи марказ, муассасада коррупцияга қарши кураш бўйича координатор ўзига юклатилган вазифалар билан бирга қуйидаги функцияларни бажаради:

1) *худудий бошқарма, бўйсунувчи марказ, муассасада коррупцион хатти-ҳаракатларни профилактика қилиш, коррупцияга қарши курашиш бўйича тизим яратиш ва такомиллаштириш соҳасида:*

худудий бошқарма, бўйсунувчи марказ, муассасада коррупцияга қарши кураш бўйича чора-тадбирларни амалга оширишга қаратилган ички ҳужжатлар лойиҳаларини ишлаб чиқади;

худудий бошқарма, бўйсунувчи марказ, муассасада антикоррупцион чора-тадбирлар дастури(йўл харитаси)ни ишлаб чиқади;

худудий бошқарма, бўйсунувчи марказ, муассасадаги коррупцион хавф-хатарларни баҳолашни мувофиқлаштиради, худудий бошқарма, бўйсунувчи марказ, муассасанинг идоравий коррупцион хавф-хатар харитаси лойиҳасини Олий ва ўрта махсус таълим вазирлиги тизимида коррупцион хавф-хатарларни баҳолашни амалга ошириш йўриқномага мувофиқ тайёрлайди ҳамда худудий бошқарма, бўйсунувчи марказ, муассаса раҳбарига, шунингдек бўлимга юборади.

худудий бошқарма, бўйсунувчи марказ, муассаса идоралараро ҳужжатларида аниқланган коррупцион омилларнинг олдини олиш бўйича таклифлар ишлаб чиқади.

2) *худудий бошқарма, бўйсунувчи марказ, муассаса ходимларини коррупцияга қарши кураш масалалари бўйича хабардорлигини ошириш ва*

*маслаҳатлар бериш, шунингдек бу масалалар бўйича фуқаролар ва жамоатчилик билан мулоқот қилиш соҳасида:*

вазирлик тизимидаги барча ходимлар, абитуриентлар, талабалар, ўқувчилар ва уларнинг ота-оналари ўртасида коррупцияга қарши курашиш ва ҳуқуқий саводхонлигини оширишга бағишланган конференциялар, учрашувлар, семинарлар, конкурслар ташкил этишга бўлимга ёрдам беради;

Бўлим қарори билан ҳудудий бошқарма, бўйсунувчи марказ, муассаса ходимларининг, жисмоний ва юридик шахсларнинг коррупцион ҳаракатлар ва хатарлар масалалари бўйича мурожаатларини кўриб чиқишда қатнашади;

ҳудудий бошқарма, бўйсунувчи марказ, муассаса ходимларига коррупцияга қарши курашиш бўйича маслаҳатлар беради;

ҳудудий бошқарма, бўйсунувчи марказ, муассаса ходимларини антикоррупцион нормаларга ўқитиш бўйича ўқув режаларини тайёрлашда иштирок этади;

ҳудудий бошқарма, бўйсунувчи марказ, муассаса ходимлари ҳамда коррупцион хавф-хатарнинг юқори даражаси билан боғлиқ лавозимлар учун коррупциянинг олдини олиш масалалари бўйича ўқув материалларини ишлаб чиқишда қатнашади;

ҳудудий бошқарма, бўйсунувчи марказ, муассаса ходимлари ва фуқаролар ўртасида антикоррупцион хатти-ҳаракатларни тарғиб қилишда иштирок этади;

расмий веб-сайтнинг "Коррупцияга қарши кураш" бўлимида ва ҳудудий бошқарма, бўйсунувчи марказ, муассаса ижтимоий тармоқлари саҳифаларида жойлаштирилган маълумотларнинг янгиланишини таъминлайди;

ҳудудий бошқарма, бўйсунувчи марказ, муассасанинг коррупция фактлари тўғрисида хабар бериш учун ишлаб чиқилган махсус алоқа каналларини иш натижаларини таҳлил қилади ҳамда коррупцион хавф-хатарлар тўғрисидаги таҳлилий материалларни раҳбарият ва ходимларга етказди, уларнинг бу борадаги хабардорлигини оширади.

*3) ҳудудий бошқарма, бўйсунувчи марказ, муассасада коррупцияга қарши кураш тизимининг самарали ишлашини назоратини амалга ошириш ва мониторинг қилиш соҳасида:*

ҳудудий бошқарма, бўйсунувчи марказ, муассасанинг барча ходимларини коррупцияга қарши курашиш бўйича тренингларда иштирокини ва машғулотларни ўқув режага мувофиқ ўтказилишини назорат қилади;

ҳудудий бошқарма, бўйсунувчи марказ, муассаса ходимлари томонидан коррупцияга қарши курашиш сиёсати ва тадбирларга, шунингдек, коррупцион хавф-хатар вужудга келиши эҳтимолини назарда тутувчи ҳолларда одоб-ахлоқ қоидаларига риоя этилиши бўйича назорат тадбирларини бажарилиши ва мониторинги жараёнида бўлим билан ҳамкорлик қилади;

Бўлим қарори билан ҳудудий бошқарма, бўйсунувчи марказ, муассасада коррупцион ҳатти-ҳаракатлар бўйича хизмат текширувларини ўтказишда қатнашади;

ҳудудий бошқарма, бўйсунувчи марказ, муассасада коррупцияга қарши курашиш бўйича амалга оширилган ишлар тўғрисида ҳисоботларни тайёрлашда бўлим билан ҳамкорлик қилади, шунингдек, ҳудудий бошқарма, бўйсунувчи марказ, муассаса раҳбариятига ва бўлимга ҳисобот тақдим этади;

антикоррупцион қонунчилик ҳужжатларида ва коррупцияга қарши курашиш соҳасидаги ички ҳужжатларда аниқланган камчиликларни бартараф этиш юзасидан назоратни олиб боради.

*4) коррупцияга қарши курашиш бўйича ҳуқуқни муҳофаза қилиш идоралари билан ўзаро ҳамкорлик юзасидан:*

коррупцион жиноятларни олдини олиш ёки тергов қилиш бўйича тадбирларни амалга оширишда ҳуқуқни муҳофаза қилиш органларининг ваколатли вакиллари билан ҳамкорлик қилади.

Бўйсунувчи бўлинмадаги коррупцияга қарши курашиш бўйича координатор Олий ва ўрта махсус таълим вазири, бўлим, бўйсунувчи бўлинма раҳбари буйруқлари асосида бошқа вазифаларни ҳам амалга оширади.

9. Ҳудудий бошқарма, бўйсунувчи марказ, муассасанинг коррупцияга қарши курашиш бўйича координатор ўзига юклатилган вазифалар ва функцияларни амалга оширишда қуйидаги ҳуқуқларга эга:

ҳудудий бошқарма, бўйсунувчи марказ, муассаса ходимларидан ўз ваколатига кирувчи масалалар бўйича тахлилий мамаълумотлар, хулосалар, бирламчи ва бошқа тасдиқловчи ҳужжатлар, статистик ва бошқа маълумотларни сўраши, талаб қилиши ва олиши;

хизмат вазифаларини бажариш доирасида ҳудудий бошқарма, бўйсунувчи марказ, муассаса ходимларидан зарурий ёрдамни сўраши ва олиши;

ҳудудий бошқарма, бўйсунувчи марказ, муассаса раҳбарига ва бўлимга ҳудудий бошқарма, бўйсунувчи марказ, муассасада коррупцияга қарши курашиш тизимини такомиллаштириш бўйича таклифлар киритиш;

хизмат текширувида қатнашиш, ҳудудий бошқарма, бўйсунувчи марказ, муассаса ходимларидан ҳужжатларни талаб қилиш, ёзма тушунтиришлар олиш, шунингдек амалга оширилаётган текширув доирасида ҳудудий бошқарма, бўйсунувчи марказ, муассасаларнинг бинолари, иншоотлари ва жиҳозларини кўздан кечириш, тегишли ҳужжатларнинг нусхаларини олиш, тегишли фото ва видео ёзувлар қилиш;

ҳудудий бошқарма, бўйсунувчи марказ, муассасанинг одоб-ахлоқ Комиссиялари йиғилишларида кузатувчи сифатида иштирок этиш, одоб-ахлоқ Комиссияси йиғилишларида ўрнатилган регламент ва вазирликда коррупцияга қарши курашиш тизимида талабларга мувофиқлиги тўғрисида фикр билдириш;

ҳудудий бошқарма, бўйсунувчи марказ, муассасанинг коррупцияга қарши кураш бўйича координатор Олий ва ўрта махсус таълим вазири, бўлим, ҳудудий

бошқарма, бўйсунувчи марказ, муассаса раҳбарининг тегишли буйруқларига мувофиқ бошқа ҳуқуқларга ҳам эга бўлиши мумкин.

10. Координатор ўзининг хизмат вазифаларини бажаришда очиклик, умумий натижага қаратилганлик ва жавобларнинг тўлиқлиги, тақдим этиладиган тавсияларнинг ўз ўрнида қўлланилиши тамойилларига асосланиб ҳудудий бошқарма, бўйсунувчи марказ, муассасанинг бошқа таркибий бўлинмалари билан ўзаро ҳамкорлик қилади.

11. Координатор ўз хизмат вазифаларини бажармаганлик ёки тўлиқ даражада бажармаганлик, Ўзбекистон Республикаси Олий ва ўрта махсус таълим вазирлиги тизимининг Коррупцияга қарши сиёсати талабларини, Ўзбекистон Республикаси Олий ва ўрта махсус таълим вазирлиги тизими ходимларининг ахлоқ-одоб қоидаларини, ҳудудий бошқарма, бўйсунувчи марказ, муассаса раҳбарининг буйруқларини, шунингдек ноқонуний хатти-ҳаракатлар ёки ҳаракатсизлик, юклатилган вазифаларни бажаришдан бош тортганлик, коррупцияга қарши курашиш соҳасида ва (ёки) ҳудудий бошқарма, бўйсунувчи марказ, муассаса учун салбий оқибатларга олиб келувчи аниқланган ҳуқуқбузарликларни яширганлиги учун интизомий ва (ёки) бошқа жавобгарликка тортилади.